

Ա. Կ. Սրապյան

«ՅԱՃԱԽԱՊԱՏՈՒՄ» ՃԱՌԵՐԻ ՀԵՂԻՆԱԿԻ ՀԱՐՑԸ

Հայ հին դարերի բազմահարուստ արձակ գրականության մեջ ամենատարածված, մատչելի և ամենագործուն տեսակներից են եղել ճառերը, որոնք ամենօրյա լայն յգտագործումն են գտել՝ հասարակության մեջ քարոզներ կարդալու նպատակով: Ըճառերի միջոցով արձագանքվել, տարածվել, խրատվել և ուսուցվել են իրականության հուզող ու հրաշալի հարցերը: Այդ է պատճառը, որ շատ լայն է եղել նրանց ընդգրկումը և հաճախակի՝ կիրառումը: Նրանց մեջ արտացոլվել են ժամանակի ոչ միայն կրոնական, այլև հասարակական-քաղաքական կյանքը, հայրենասիրական, ազգապաշտպան գաղափարները, գիտության, լուսավորության, բարոյակրթության ու դաստիարակության խնդիրները, կենցաղավարությանը և ճանաչողական ու պատմական մեծ արժեքներ կայացնող բազմապիսի այլ հարցեր: Նկատի ունենալով լսող ու կարդացող լայն հասարակությանը, այդ ճառերը հիմնականում եղել են դյուրալուր ու դյուրահաս:

Խրատական-դավանասրանական այդպիսի ճառերի մի շարք է հայ հին գրականության մեջ պահպանված և «Յաճախապատում ճառք լուսաւորք» վերնագրով հրատարակված ժողովածուն, որի հեղինակն է համարվել հայ ժողովրդի կյանքում քրիստոնեական հավատի հիմնադիր Գրիգոր Լուսավորիչը¹:

Այդ ճառերի հեղինակային պատկանելության մասին առաջին անգամ իր տարակուսանքն է հայտնել հայագետ Պ. Ֆեթերը. «Եթե այժմ Մեսրոպա իբր գլխավոր գործք պիտի ներկայացնենք ճառերու և աստվածաբանական գրվածոց ցայժ իսկ պահված հավաքում մը, անշուշտ հալ մատենագրության պատմության հմուտ անձի մը օտարոտի պիտի երևա. վասն զի թեև այս հավաքումը կհիշե Կորյուն վերոհիշատակյալ տեղւոյն մեջ², սակայն ցայսօր կորսված կկարծվելու: Սակայն կարծենք թե կրնանք այս կորուսեալ համարված գործքին՝ ճառերու այն հավաքման հետ միևնույն ըլլալն ապացուցանել, որ դարերն ի վեր Գրիգորի Լուսավորչի կտրվեր»³, — գրում է հեղինակը և մի քանի համոզիչ փաստարկումներ անում:

Նույն կարծիքն է հայտնում նաև հայագետ Ս. Վեբերը⁴: Սրանց հետ համամիտ է Կարապետ Տեր-Մկրտչյանը:

¹ «Սրբոյ հօրն մերոյ Երանելոյն Գրիգորի Լուսաւորչի Յաճախապատում ճառք լուսաւորք», Էջմիածին, 1894 (այսուհետև՝ «Յաճախապատում»), Մինչ այս եղել է Երևր հրատարակություն ևս. առաջին Երկուր Պոլսում, մինչև 1824 թ., Երրորդը՝ Վենետիկում՝ 1838 թ.:

² Կորյուն, Վարք Մաշտոցի:

³ Պ. Ֆեթեր, Հայկական աշխատություններ, Վիեննա, 1895, էջ 69 (թարգմանությունը Զ. Տաշյանի):

⁴ Տե՛ս ն. Ա. Կ. Սրապյան, Կորյուն, Վարք և Մաշտոցի, Վիեննա, 1952, էջ 107 (ծանոթ.):

«Յաճախապատումի» Մ. Մաշտոցի «գործ լինելն անշուշտ շատ ավելի հավանական է, քան Ս. Լուսավորչի»,—գրում է նա⁵:

Փոքր ինչ այլ կերպ է դատում այդ մասին Ա. Զամինյանը: Նա գրում է. «Կորյունը նրա համար (Մաշտոցի—Ա. Ս.) ասում է, թե նա «շատ խրատիչ ու զգաստացուցիչ թղթեր էր ուղարկում Հայաստանի բոլոր գավառները», Այս թղթերի ժողովածուն հայտնի է «Յաճախապատում ճառք» (միշտ կրկնելի ճառեր) անունով, որ վերագրվում է նաև ս. Գրիգոր Լուսավորչին: Կարելի է կարծել, թե վերջինս է իսկական հեղինակը, իսկ առաջինը՝ նույն գործը թարգմանել է նորանոր հավելումներով»:

Հետագայում հարցին անդրադառնում է Մ. Աբեղյանը ևս, հանդելով Պ. Ֆեթթերի դրույթին⁶:

Ավելի ուշ՝ 1952 թ. այդ մասին եղած հնամենի տեսակետն է պաշտպանում անվանի հայագետ Ն. Ակինյանը, միանգամայն անընդունելի համարելով վերոհիշյալ գիտնականների նոր խոսքը: Նա գրում է. «Այս «Ճառք յաճախագոյնք»⁷ չունին որևէ աղբյուր «Յաճախապատում ճառերուն» հետ, զորոնք Պ. Ֆեթթեր և Ս. Վեբեր ուղեցին Մաշտոց վարդապետի վերագրել, առ այս մերձեցնելով Կորյունի ակնարկությունները»⁸:

Սակայն հայագետներից և ոչ մեկը, առանձին խնդրի նյութ չունենալով այս հարցը, բնականաբար, մանրակրկիտ քննության չի առել այն, ուստի և հանգամանորեն չի պարզաբանել ու լուծել առաջացած տարակուսանքը:

Այսօր, հայ մտքի մեծ լուսավորիչ, հայ գրի ու գրականության հիմնադիր Մեսրոպ Մաշտոցի ծննդյան 1600-ամյակի առիթով, հետաքրքրության հատուկ հարց դարձավ «Յաճախապատում» ճառերի հեղինակի խնդիրը, որին նպաստեց կատարված հետազոտությունների հօգուտ մեծ հայրենասերի խոսելը:

* * *

«Յաճախապատում» ճառերը հոգևոր խրատներ են քրիստոնեական ուսմունքի, դավանության ու բարոյականության մասին, որ նպատակ ունեն ուսուցանել աստվածապաշտություն, ուղիղ դավանանք և, հորդորել ողջախոհության, մաքուր կենցաղավարության, ազնիվ ու առաքինի կյանքի, իմաստության ու աշխատանքի՝ տերերին ու ծառաներին, թե՛ աշխարհական և թե՛ կրոնավոր: Այսպես, օրինակ՝ ճառեր կան հետևյալ խնդիրներին նվիրված. «Յանդիմանութիւն դժնդակ վարուց և ընծայութիւն առաքինութեան հանգիսից», «Վարդա-

⁵ Կ. Տեղ-Մ կրտչյան, Հայոց եկեղեցւո պատմութիւն, մասն Ա, Վաղարշապատ, 1908, էջ 121:

⁶ Ա. Զամինյան, Հայոց եկեղեցւո պատմութիւն, նոր նախիջեան, 1938, էջ 89—90:

⁷ Մ. Արեղյան, Հայոց հին պրականութիւն պատմութիւն, զիրք առաջին, Երևան, 1944, էջ 119:

⁸ Նկատի ունի այն ճառերը, որ հիշատակում է Կորյունը, որպես Մեսրոպ Մաշտոցի ստեղծագործություն:

⁹ Ն. Ակինյան, Դորք, ս. Մաշտոցի, էջ 107 (ծանոթ.), Ակինյանին հավանաբար՝ ծանոթ չէ Մ. Աբեղյանի կարծիքը:

պետություն կատարեալ ի տէր ամենարուեստ պահոց», «Վարդապետություն բարերար արարչին խնամոց և կշտամբություն անհնազանդութեան և ստահակութեան և առաջնորդություն բարութեան բարեացն լաւութեան», «Առաջնորդություն ամենարուեստ խրատուց, հանգամանք գիտութեան և իմաստից», «Վասն անփոփոխ ինքնութեան էութեանն Աստուծոյ» և այլն:

Անշուշտ իւր առաքելական գործունեության ընթացքում Գրիգոր Լուսավորիչն ասել կամ գրել է բազմաթիվ ճառեր, որոնց մեջ նա մեկնել, պարզել է քրիստոնեական ուսմունքը, բացատրել միաստվածության դադափարը, աստվածային պատվիրանների իմաստը, նշանակությունը, դրանք պահելու անհրաժեշտությունը և այլն: Այսինքն, դեռևս հեթանոսության, կամ տարրապաշտութեան աստիճանում գտնվող և կամ նոր միայն քրիստոնեություն ընդունած ժողովրդին լայն առումով ծանոթացրել է իր տարածած կրոնը՝ հիմքից առած: Իրոք, հենց այդպես էլ սկսել է նա իր վարդապետությունը՝ ըստ Աղաթանգեղոսի. «...Սկիզբն արասցուք ձեզ պատմելոյ վասն արարչութեանցն, թէ զհարդ բարի աշխարհս ստեղծաւ ի բարերարէ անտի, թէ զհարդ վարեցան կարգք աշխարհիս... թէ զհարդ եկն Որդին Աստուծոյ մարմնով յաշխարհ անարգութեամբ, թէ զհարդ գալոց է ի վախճանի նովին մարմնով և փառօք հօր, և վասն յինելոց բարեացն և հանդերձեալ դատաստանիս»¹⁰, — ասում է Գրիգոր Լուսավորիչը և այսպես ծանոթացնում թե ի՞նչ է աստված, կարող են ճանաչել, հասկանալ ու ընդունել նրան, անում է քրիստոնեության մուտքի պատմությունը, տարածումը առաքյալների միջոցով, բացատրում է թե ի՞նչ է նշանակում առաքյալ, ովքե՞ր էին նրանք, խոսում է Մարգարեների մասին, մեկնում նրանց առանձին մտքերը, դարձվածքները, պարզաբանում թե ինչպե՞ս ստեղծվեց ավետարանը, բացում հեթանոսության էությունը, վեր հանում քրիստոնեության փրկարար գերը, հորդորելով մաքրվել հեթանոսության արմատացած մեղքերից, «քակել ի սատանայական գործոց շարութենէ և աստուածամոլս կենացն լինել ժառանգորդ»¹¹:

Այս ամենից անմիջապես երևում է, որ խոսքն ուղղված է նորադարձների կամ ոչ քրիստոնյաների, որոնք նոր միայն պետք է դարձի դան, ընդունեն կամ չընդունեն քարոզվող նոր ուսմունքը և կամ փոքր ինչ մոտո ճանաչեն այն: Այդպիսին չեն սակայն «Յաճախապատում» ճառերը, որքան էլ որ ցանկանք նմանություն փնտրել այդ երկուսի միջև: Այստեղ, ճիշտ հակառակը, որոշակի զգացվում է ունկնդիրների հավատացյալ, քրիստոնյա լինելը և քարոզչի խորհրդ՝ ուղղել հավատից շեղվածներին, խոտորվածներին, ոգեշնչել՝ դիմադրելու բոլոր փորձություններին և հաստատ ու անփոփոխ պահել ուսուցված ճշմարիտ հավատը¹²: Թեև նյութի ամբողջ շարադրանքն այդ ոգին ունի, սակայն բերենք մի քանի օրինակ: Այսպես, երկրորդ ճառում հեղինակը գրում է. «Բսկ զամբարիշտս և դոնիրաւս ամբարտաւանեալս շարութեամբ, որոց խաւարեալ են միտք և օտաւացեալի ի կենաց սրբոց և արդարոց, և առ նոսա երկայնամտէ, զի դարձցին ի զղումն»¹³:

¹⁰ «Աղաթանգեղայ պատմություն Հայոց», Թիֆլիս, 1914, էջ 128: (Այսուհետև՝ Աղաթանգեղոս):

¹¹ Աղաթանգեղոս, էջ 132:

¹² «Յաճախապատում», էջ 4, Բ ճառ:

¹³ Նույն տեղում, էջ 10: Այս և այսուհետև եղած ընդգծումները մերն են — Ա. Ս.:

Անկասկած է, որ խոսքն ուղղված է ոչ թե կոապաշտների, այլ քրիստոնյաների, որոնք ինչ-ինչ պատճառներով օտարացել, հեռացել են իրենց նախկին՝ պրերբին ու արդարներին՝ քրիստոնյային վայել վարքից և պետք ունեն զղջման ու ներման:

Նույն միտքն է արտահայտված և հետևյալ տողերում. «Եւ որք մոլորեցան ի ճշմարտութենէ անտի, բարկութիւն Աստուծոյ կայ մնայ ի վերայ նոցա»¹⁴ կամ՝ դժոխքի և հավիտենական տանջանքների են արժանանում բոլոր նրանք, որ «ճեռացել օտարացան ի ստոյգ ապաշխարութենէն, որ սրբէր զնոսա և արդարացուցանէր և մերձաւորս առնէր կենացն անմահից»¹⁵:

Հատուկ ճառեր կան նվիրված զղջման, խոստովանութեան, քաղութեան և ապաշխարութեան հարցերին: Իսկ ապաշխարել, դառնալ, ետ գալ կարող է միայն քրիստոնյան: Հեթանոսը, կամ նոր միայն քրիստոնեություն ընդունածը պետք չունի ապաշխարութեան, ներման. նա արդեն քաղել է իր մեղքերը՝ մկրտվելով, նոր հավատն ընդունելով: «Զի նախ յաւազանէն է թողութիւն հաւատացելոց յամենասուրբ Նրբորդութիւնն ճշմարիտ խոստովանութեամբ»¹⁶:

«Յաճախապատում» ճառերի մեջ նյութը քարոզվում, պատվիրվում է որպէս հանրահայտ, ընդունված ու հաստատված դավանանք, որ նոր ու անծանոթ վարդապետություն չէ, կարիք չի առաջանում մեկնելու, պարզելու նրանց իմաստը, ասենք՝ ինչպե՞ս «որդին Աստուծոյ եղև որդի մարդոյ և զղեցաւ զմեր բնութիւնս», կամ ի՞նչ բան են Ավետարանը, պահքն ու ապաշխարանքը, ո՞վ է Մովսէս Մարդարեն և մարդարեններն ու առաքյալներն առհասարակ:

Սակայն անցնենք կոնկրետ, անտարակուսելի վիստերի, որոնք ոչ միայն ցույց են տալիս, թե «Յաճախապատում» ճառերը չեն կապվում քրիստոնեության մուտքի հետ, այլև իրենց մեջ թաքցնում են շատ ավելի ուշ շրջանի հիշատակություններ, հեռանալով Գրիգոր Լուսավորիչի ստեղծագործությունը լինելուց:

* * *

Քրիստոնեության առաջին դարերում, երբ Հայաստանը ևս ընդունեց այդ նոր ուսմունքը և դարձրեց իր պետական կրոնը, եկեղեցին դեռևս միատարր էր: Նրա մեջ ծայր առած ներքին վեճերը խիստ զույններ ստացան շորթորդ դարի սկզբներին: Առանձնապէս սուր բնույթ կրեցին Քրիստոսի աստվածության ու մարդեղության խնդրի շուրջը ծագած վիճարանությունները, և այնպիսի մեծ երկպառակություն առաջացրին, որ միջամտության ստիպվեց Հռոմի Կոստանդին կայսրը և տիեզերական ժողով գումարեց: Ժողովը հրավիրվեց 325 թ. Նիկիա քաղաքում և խիստ դատապարտեց, նզովեց վեճի պատճառ դարձած Արիոս Լիբեացուն, որը Քրիստոսին արարած էր համարում: Հաղթանակ տարավ Արիոսին ընդդիմակառկ աստվածաբանությունը՝ Աղեքսանդրիայի վարդապետությունը, որը և ուղղափառ հայտարարվեց¹⁷: Հետագայում այս առթիվ ծագած վեճերը շարունակեցին է՛լ ավելի բորբոքվել ու լայն բնույթ

¹⁴ «Նույն տեղում, էջ 31:

¹⁵ Նույն տեղում, էջ 12:

¹⁶ Նույն տեղում, էջ 213:

¹⁷ Տե՛ս Ա. Տ. Եր-Մի Ի ն ա ս յ ա ն, Ընդհանուր եկեղեցական պատմություն, հատ. առաջին, էջմիածին, 1908, էջ 256:

ստանալու Առաջ եկան նոր դեմքեր, նոր հերձվածների նոր առաջնորդներ՝ Թեոդորոս Մոսպոլեստացի, Նեստոր և հակառակորդներ, ղումարվեցին II և III տիեզերական ժողովները և նորից հաղթանակ տարավ ուղղափառությունը:

Երկրորդ և երրորդ տիեզերական ժողովները հրավիրվեցին Կոստանդնուպոլսում և Եփեսոսում՝ մեկը 381, մյուսը՝ 431 թ. Այս ժողովների, զավանաբանական վեճերի և ուղղափառության հաղթանակի մասին է, որ որոշակի հիշատակության ենթ հանդիպում «Յաճախապատումի» էջերում: Ըստ երկրից մեկը՝ «Աման մարտիրոսացն վարդապետութիւն ուսմանց» վերնագրով, որախոյնամբ արձանագրում է ժողովներում ուղղափառների տարած հաղթությունը, այդ համարելով հավատացյալների մեջ հաշտության ու խաղաղության վերականգնում: «Զի այսպէս ի ժողովս սրբոց հաղորդեսցում և տօնեսցում ի փառս ամենակալին Աստուծոյ, որ ետ նոցա զյաղրութիւն առ չար բռնաւորս...»¹⁸:

Այսպես «սուրբ ժողովները» հիշվում են մի բանի տեղ ևս¹⁹:

Թեև դժվար է որոշել այս ճառը ժողովներից որի՞ առիթով է կարգացվել, բայց կասկածից վեր է մնում առնվազն 325 թ. հետո լինելու: Սակայն «Յաճախապատումի» գրության ժամանակներն ավելի ճշգրտելու գործին օգնում է մի ուրիշ քարոզի մեջ եղած ավելի զատորոշ սահմանում: Այստեղ արդեն «Յաճախապատումի» հեղինակը, ի հաստատություն իր մտքերի, վկայակոչում է ոչ թե մեկ, այլ բոլոր ուղղափառ ժողովները միասին, թեև ոչ անվանապես, անդրադառնում է ուղղափառ հավատի հաստատմանը և հենվում ժողովներում սահմանված կանոնների վրա: «Ուս ամենայն ուղղափառ ժողովք և պիսկոպոստոց, որ զուղղափառ հավատսն հաստատեցին և կանոն սահմանեցին եկեղեցւոյ, և զայս սահմանեցին նպովիւր...»²⁰:

Կանոնը վերաբերում է վանականությանը: Այս հանգամանքը և ուղղափառությունը հաստատող բոլոր ժողովների վկայակոչությունը ցույց են տալիս, թե ճառը գրված է 431 թ., այսինքն ամենայն ուղղափառ ժողովներից: Ես. ա. այն էլ որոշ ժամանակ անց, որպեսզի հնարավոր լինեի անդրադառնալ եղած արդյունքներին:

Մինչդեռ Գրիգոր Լուսավորիչը վախճանվել է 325 թ. Նիկիայի ժողովից առաջ²¹, կամ զուցե ժողովի միջոցին, ինչպես գրում է Մ. Օրմանյանը²²: Այս նշանակում է, թե Լուսավորիչը չէր կարող իր քարոզներում ու ճառերում անդրադարձած լինել ոչ իսկ առաջին տիեզերական ժողովին, կամ նրա արձարժած հարցերին:

Կա և մի ուրիշ հանգամանք, որ հարուցել են թե՛ Պ. Ֆեթթերը և թե՛ Մ. Արևելյանը: Այդ հետևյալն է:

¹⁸ «Յաճախապատում», էջ 189—190:

¹⁹ Նույն տեղում, էջ 190:

²⁰ Նույն տեղում, էջ 256:

²¹ Նիկիայի ժողովին մասնակցել է հորից կաթողիկոսական աթոռ ժառանգած Արիստակես հայրապետը: Վերջին Նիկիոյ ժողովի ժամանակ ամենայն հավանականությամբ ոչ Լուսավորիչը և ոչ Տրդատը կենդանի չէին: Նորագույն ուսումնասիրությունների հիման վրա Տրդատի մահը ումանը զնում են 317 թ. Նիկի Լուսավորիչը նրանից առաջ է վախճանվել (ինչպես բնորոշված է Մ. Ս.) ուրեմն Մ. Արիստակես Նիկիոյ ժողովում մասնակցել է ոչ իրեն նորա փոխանորդը, այլ իրեն Հայոց իսկական կաթողիկոս... (Կ. Տ. Ե. Մ. Կ. ր. 2 յ ա ն, Հայոց եկեղեցւոյ պատմություն, էջ 80):

²² Տե՛ս Մ. Օ. ր. մ. ա. յ ա ն, Հայոց եկեղեցին և յուր պատմությունը, Կ. Պոլիս, 1911, էջ 37:

Ճառերից մեկում քարոզիչն այսպիսի զգուշացուցիչ խոսքեր է գրում՝ իր ժամանակի թագավորական տունն ականարկելով. «Եւ այս յայտնի է, զի ոչ տոհմից փառաւորութիւն փառաւոր առնի առ Աստուծոյ, այլ առաքինութեան բարետոհմութիւն: Զի ի Հայս ոչինչ մեծագոյն և ի Պարս՝ քան զԱրշակունեաց ազգս և տոհմս... Այլ և թէ ոչ զգաստասցին ի բարի կրօնս, աւելի պատուհաս ընկալցին ի տեառնէ»²³:

Տողերս նկատի ունենալով Պ. Ֆեթթերը գրում է. «Այս խոսքերեն կրնա հետեցվիլ, ...որ այն ժամանակի թագակիր անձնավորությունն անարժան իշխան մըն էր... որուն վրա կամենար յուր իսկ ժողովուրդը... Հեռատես հայրեն... էր արդեն Արտաշեսի Դ. ժամանակ պետք էին կասկածիլ դժբախտ արկածին վերահաս վտանգը»²⁴:

Շարունակելով այս միտքը, Մ. Աբեղյանն ավելի որոշակի և զրականացույցան է հանգում. «Այս հատվածի բովանդակությունը կարելի չէ վերագրել Գրիգոր Լուսավորչին. IV դարի առաջին երեսնամյակում: Այն ժամանակ Պարսկաստանում շատ վաղուց ընկած էր պարսկական հարստությունը, իսկ Հայաստանում թագավոր էր ասուջին քրիստոնյա բարեպաշտ Տրդատը. քառասնամյա խաղաղության շրջանում, երբ Հայաստանի սահմանները շատ բնագավառներ էին. և իշխող Արշակունի հարստության տնկման մասին խոսք չէր կարող լինել: Դա հարմարվում է հայ Արշակունի տոհմի վիճակին 420-ական թվականներին, երբ թագավոր էր Արշակունի տոհմի վերջին պայազատը, Արտաշեսը, հայտնի ոչ իր «բարեկրոն» կամ «առաքինի» վարքով, երբ և հասկացողները պարզ նկատում էին այդ տոհմի մոտավորտ անկումը... Դրանով էլ որոշվում է և «Յաճախապատումի» հորինման ժամանակը՝ մոտավորապես 420-ական թվականները»²⁵:

Սակայն, ինչպես ցույց տվինք, «Յաճախապատում» ճառերն ընդգրկում են ժամանակի ավելի լայն հատված, զրված լինելով նաև 431 թվականից հետո:

* * *

«Յաճախապատումի» գրության միջոցի որոշումը ժխտում է Լուսավորչի հեղինակության հարցը, իսկ բովանդակության հանգամանակից վերլուծումն ավելի ևս որոշակի է դարձնում գրողի IV—V դարերի գործիչ լինելը:

Արդեն տեսանք, որ ճառերի հեղինակը բազմիցս անդրադարձել է եկեղեցու ժողովներին ու նրանց հարուցած խնդիրներին: Ավելացնենք և ուրիշները:

Տիեզերական ժողովներում ձևակերպվել ու հաստատվել էր ուղղափառ հավատը, որով և հաղթանակ էր տարել այն՝ ընդդեմ աղանդների: Արձագանքելով այս հարցերին, գրողը տալիս է իր քաջատրություններն ի հաստատություն, ժխտում հերձվածները և հորդորում ուղղափառության. «Յայտնի է իմաստնոց սրբոց, որ ունի զգիտութիւն ի գրոց մարգարէից և առաքելոց և վարդապետաց, թէ մի՛ է բնութիւն ամենասուրբ Երրորդութեան...»²⁶: «Որպէս բոց և ջերմութիւն ի հուր. որպէս լոյս և տապ յարեգակն. որպէս ջուր և

²³ «Յաճախապատում», էջ 238:

²⁴ Պ. Ֆեթթեր, Հայկական աշխատություններ, էջ 73:

²⁵ Մ. Աբեղյան, Հայոց հին դասակարգության պատմություն, գիրք առաջին, էջ 120:

²⁶ «Յաճախապատում», էջ 39:

բղիտումն յաղբիւրէ. որպէս բան և հոգի ի մտաց: Շարժեալ առանձնաւորութիւնքն, այլ միաբանութիւն մի՛ է բնութեանն և ոչ եկամուտ յառանձնաւորութիւնսն միշտ»²⁷:

«Առանձնաւորութիւնք» վերնագրված մի այլ ճառում նա հայտնում է, թե դրանք սովորել, աշակերտել են մարդարեաների, ճշմարիտ առաքյալների և ուղղափառ վարդապետների գործերից²⁸, որպեսզի առանց հոգնության, հոժարությամբ ուսուցանեն, աճեցնեն արդարության վաստակը՝ մաքուր սրտով և ուղղափառ հավատով²⁹:

Ապա խրատում է ստույգ դիտությամբ և անմոլար իմաստությամբ միշտ արթուն մնալ բանսարկուի պատրանքներից, որովհետև «հաւատոյն ճշմարտութիւնն և սրբութիւնն լուսաւորէ զմիտս սիրողաց Աստուծոյ»³⁰, մանավանդ որ ուղղափառատուրյամբ գործողը «գործակից լինի Հոգւոյն սրբոյ, և նորին բնակարան» շահախնդրում է հեղինակը մի այլ ճառով³¹:

Այս հարցերին նա անդրադառնում է և ավելի բացորոշ, ուղղակի մեղադրական կարգալուծ ու խիստ դատապարտելով քրիստոնեական ողջ աշխարհում սուր հակամարտութիւնների ու երկպառակութիւնների դրդիչներին, որ իրենց ամբարիշտ կյանքով «լինին յոլովից կորստեան պատճառք»³², Բնութագրում է նրանց որպես պիղծ, «այլանդակ և այլուսմունք»³³, «որ ցուցանեն զարհամարհութիւն առ օրէնսն և զանհնազանդութիւն առ կամս նորա, և զնան խտորնակս և անխտիր յաղտեղի իրս և յամենայն դժնդակութիւնս մեղաց»³⁴: Ապա շարունակում է ավելի դիպուկ. «...նւաստ մարդիկ թիւրեալ ի հերձուածս կորստեան և ի վարս անօրէնութեան բազում ժողովրդովք. որք և առաջնորդը կոչեցան և հպարտացեալ զարտուղի անկան. և բաղմաց եղևն պատճառք կորստեան...: Նւ ապստամբեալք ի մերոց և ամբարշտեալք ի բանէն որ աշակերտեցաք զճշմարտութիւնն՝ օտարացան և յետս կացին, որպէս քուրմք և կախարդք և այլ ևս շարք»³⁵:

Մի այլ ճառում ևս, թեև ոչ հականե-հանվանե, նա այսպես է ներկայացնում այդ հերձվածների առաջնորդներին. «որք զանձինս իմաստուն համարեցան, և յաչս իրեանց խորհրդականք, և զճանապարհս իմաստութեան ոչ ծանեան... վասն այնորիկ ապականեցան և պղծեցան, և ընդ ուղիղն ոչ գնացին»³⁶, «...մեղան և խաւարեցան ի խորհուրդս իրեանց և կուրացան մեղօք անմտութեամբ»³⁷:

Այդպիսիներին նա զգուշացնում է դառնալ սխալ ճանապարհից, մյուսներին՝ հեռու մնալ մոլորութիւնից, հիշեցնելով, որ աշխարհայինից բացի կան և հավիտենական տանջանքներ³⁸ ոչ միայն շարը ուսուցանողների, այլև լսող-

27 Նույն տեղում, էջ 55:

28 Նույն տեղում. Լժ 16:

29 Նույն տեղում, էջ 19:

30 Նույն տեղում:

31 Նույն տեղում, էջ 42:

32 Նույն տեղում, էջ 34, 43:

33 Նույն տեղում, էջ 141:

34 Նույն տեղում, էջ 233:

35 Նույն տեղում, էջ 230—231:

36 Նույն տեղում էջ 241:

37 Նույն տեղում:

38 Նույն տեղում, էջ 43:

ների, սովորողների համար³⁹։ Ապա անում է աշակերտի ղեկավարացնող համեմատություն. «Եւ որպէս ի պատճառէ իմեքէ կատաղութիւն ի խելսն անկանի և հանէ ի դարմանոց, և յընտանութենէ՝ ի վայրագութիւն մոլորեցուցանէ և ի կորուստ ինքեան և այլոց ևս, նոյնպէս և առ ուսմունս մոլորութիւն ի խելս մտացն անկանի և ցնորեցուցանէ որպէս վկատադին, և անծանօթս առնէ ի ճշմարտութենէն ամբարիշտ և այլանդակ վարուք, որք ելանեն ընդ սահմանս բարեպաշտութեան, բայց ի՛նչ բժշկի ուրեք որպէս կատաղի։ Վասն այսորիկ պիտոյ է յոյժ զգուշորիւն պահելով զխելիս և զմիտս յայնպիսեաց անտի վնասուց...»⁴⁰։

Հավանական է ենթադրել, որ թե՛ այս ճառը և թե՛ աղանդավորությանը վերաբերող մյուս ճառերն իրենց զգալի մասով ուղղված են նաև մծղնեության դեմ, որ այդ ժամանակներում անչափ տարածված էր Հայաստանում։

Քրիստոնեական եկեղեցին մծղնեներին մեղադրում էր անբարո կենցաղավարության մեջ, կոշեղով նրանց պիղծ և այլանդակ։ Այս աղանդավորներին նկատի ունենալով ընդդեմ պոռնկության առանձին կանոններ է սահմանել Շահապիվանի եկեղեցական ժողովը (445 կամ 447 թ.)⁴¹։ Սրանց մասին խոսում է և Կորյունը, անվանելով աղանդավորներին «ժանտագործ», որ նշանակում է «պոռնիկ»⁴²։

Ընդդեմ պոռնկության հատուկ հանդիմանական ճառ է գրում և «Յաճախապատումի» հեղինակը, որակելով նրանց վարքը «ղժպհի» ու «ղժնդակ», ըստ Կորյունի՝ «ղժպատեհ», «ժանտագործ», այսինքն անպատշաճ, անբարո կենցաղ ունեցող։ Պոռնկությունը համարելով գլուխ «ամենայն ղժնդակ շարեաց»⁴³ գրողն ամբողջ մերկության մեջ է հանում այն. «Պոռնկութիւն... վրիպեցուցանէ ի հավատոց և ի սուրբ վարուղ ի պատրանս մեղաց. յանառակութիւնս աղտնդիս։

Արդ փախիցուք ի պոռնկութենէ ի մօրէն շարեաց, որ յորդորիչ է ամենայն վնասուց. զի զբազումս կորոյս ջրով և հրով և այլ և այլ ազգ պատուհասիք, որպէս ասեն գիրք։ «Զի որ շնայ կամ պոռնկի, կորուստ անձինն ստանայ. և ի տեսնէ ի բաց եկաց անսուրբ անձն։ Զի տաճար են սուրբք ամենայն ամենասուրբ Երրորդութեան. և տաճար դիւաց են պոռնիկք և շունք։ Զի զկոյսս ապականէ և մերժէ ի տեսնէ, և զամուսնութիւնս քակէ և ընդ բազում շարեօք առնէ։ Զի վասն պոռնկութեան զկախարդս յօգնութիւն պղծութեան ըստ հրապուրանաց սատանայի առնուն կաշառօք...։ Վասն պոռնկութեան ոխութիւնք և այլանդակութիւնք ի կորուստ արանց և կանանց լինի։ Վասն պոռնկութեան ղժպհութիւնք և երգմնահարութիւնք և ստութիւնք և գողութիւնք։ Վասն պոռնկութեան հեղկուրիւն աղօրից և պահոց և պղերզուրիւն առ ի զործս։ Վասն պոռնկութեան բազմալնաս նենգութիւնք նիւթին ինքեանք առ օտարս և ընտանիս։ Վասն պոռնկութեան խորամանկութիւնք և սլէսպէս մահք յայտնիք և գաղտնիք։ Կէսք յորովայնի ճմլեն և տարածամ անցուցանեն զմանկունս, և կամ ղեղովք ապականեն յորովայնի. և են, որ զծնեալսն սպանանեն։ Եւ է զի սնոյ տէրն և սեղեխն ի միմեանց մեռանին, կամ յայտնի մարտիւ կամ գաղտնի

39 Նույն տեղում, էջ 229։

40 Նույն տեղում, էջ 34։

41 Խ. Արեղյան, Հայոց հին գրականության պատմություն, գիրք առաջին, էջ 119, 625։

42 Նույն տեղում, էջ 625։

43 «Յաճախապատում», էջ 32։

իւրի շարիւ։ Եւ է ղի հոմանիքն ի միմեանց խողխողին ի վերայ լողկցն։ Եւ է որ լողքն խաղբս ինչ ուսանին ի կախարդաց, ղի սպանցեն զարսն վասն հոմանեաց ցանկասիրաց»⁴⁴։

Ճառի հեղինակն անմիջականորեն խոսքն ուղղում է և հենց նրանց, «որք յայսոսիկ ի սատանայէ ըմբռնեալ են, արբեալ ախտիւ պոռնկութեան»⁴⁵, քարոզելով հեռու փախչել նրանից։ «Զի վասն այսորիկ գայ բարկութիւն Աստուծոյ ի վերայ երկրի, սովոյ և սրոյ և գերութեանց և պէսպէս ախտից. խռովութեանց ընտանեաց և օտարաց, ծնողաց և ծննդոց, ծառայից և տերանց, յորս կագք և կռիւք և մահք»⁴⁶։

Այդպիսիներին, շարունակում է քարոզիչը. «Առաջին օրէնքն քարկոծ առնէին և կամ հրով այրէին. և նորս՝ արտաքս ունի յեկեղեցւոյ և ի ժողովրդոց. մինչև բազում լալով ի տուէ և ի գիշերի ի խորգ և մոխիր պահօք ապաշխարեսցէ...»⁴⁷։ Կամ՝ «Հոտոտելիք ճշմարտեալ հաւատով ճանաչէ ղորդիս լուսոյ և ղորդիս խաւարի. իմանայ զկամս իւրաքանչիւր զուղղութեան և զմոլորութեան, որ այլանդակ և այլուսմունք են, որ որոշեն զնոսա ի բաց հոտովն սուրբ ըստ հրամանի տեառն՝ արտաքս հանելով ի խնամոց Աստուծոյ ի խաւարն արտաքին, ուր լալ աշաջ է և կրճիւ առամանց»⁴⁸։

Որպէս մոլորությունից խուսափելու առավել վստահելի միջոց, քարոզիչը կտրուկ խորհուրդ է տալիս պարզապէս չքննել աղանդները, չզբաղվել նրանցով, դադարել ի զուր, անիմաստ պրպտումներից։ «Եւ ոչ է արժան զաղանդսն խուղել, և ի նոսա դեգերել ի կորուստն»⁴⁹, «Զի մի մոլորեսցին զկնի սուտ կարծեաց և սլատիր խարերայ լանից այլանդակաց և աղանդաւորաց...»⁵⁰։ «Վասն այսորիկ լոնսցուք ի դատարկ և ի վայրապար քննութենէ, և զհետ երթիցուք խրատուց գրոց սրբոց հնոց և նորոց»⁵¹։

Ի վերջո նա գրում է.

«Իմացա՛ր ըստ իւրաքանչիւրոց խորհրդոց և գործոց զհատուցումն Աստուծոյ արդար կշռօքն։ Զի եղաւ պատուիրան մարդկան կալ հաստատուն յանարատ սրբութեան, և գործել զարժանն և զիրան, և կալ մնալ անշարժ ի լաւագոյնսն ուրպէս ասացաւ»⁵²։

Անկասկած է, որ այսպիսի ծավալուն ու տաք պայքար ընդդէմ աղանդավորության կարող էր գոյութիւն ունենալ ոչ թէ Գլխգոր Լուսավորչի ժամանակ, այլ IV—V դարերում, երբ այդ խնդիրն իրոք հրատապ էր դարձել ողջ քրիստոնյա աշխարհում և հատկապէս Հայաստանում, ուր նեստորականության հետ մեկտեղ ավելի տարածվել էր մծղնեությունը⁵³։

44 Նույն տեղում, էջ 80—81։

45 Նույն տեղում, էջ 81։

46 Նույն տեղում։

47 Նույն տեղում, էջ 82։

48 Նույն տեղում, էջ 144։

49 Նույն տեղում, էջ 50։

50 Նույն տեղում, էջ 233։

51 Նույն տեղում, էջ 274 (տարբերակ)։

52 Նույն տեղում, էջ 44։

53 Լուսավորչի ժամանակ աղանդավորության դէմ այդպիսի սուր պայքար չի տարվել մեծ նախնի հանուն ուղղափառության, և բնական է կարծել, թէ նրա ճառերն ավելի ուղղված պիտի լինէին ընդդէմ հեթանոսության։ Աղանդավորության մասին Հայոց եկեղեցու սկզբնական շրջանում տե՛ս Կ. Տէր-Մկրտչյան, Հայոց եկեղեցւոյ պատմություն, մասն Ա, էջ 52։ Տեղեկագիր 5—3

Անդրադառնանք և մի այլ հարցի.

Վանական կանոնների հիմնադիրը, նշամ հունական վանականության հայ-
րը համարվում է Բարսեղ Կեսարացին, որի կանոնները տարածվել են թե՛
Արևմուտքում և թե՛ Արևելքում, այդ թվում և Հայաստանում՝ չորրորդ դարի
երկրորդ կեսերից հետո, այսինքն Գրիգոր Լուսավորչի մահից տասնյակ տարի-
ներ անցած: Մինչդեռ «Յաճախապատում» ճառերից մեկը վերաբերում է ուղ-
ղակի վանականությանն ու նրա կանոններին, որ «Բարսեղ Կեսարացու վանա-
կան կանոնների ամփոփումն է ներկայացնում»⁵⁴:

«Բայց մեր ազգային ավանդությունը վանքերի հաստատությունը մեր
մեջ ավելի հնացնում է. այսպես՝ Քրիստոնեության Ա դարու շինված է դնում
Հոգյաց վանքը և Լուսավորչին վերադրում է վանական կանոններ (Յաճախա-
պատում» Հառ ԽԳ), որոնց համեմատ նա վանքեր է հաստատել Հայաստանում:
Սակայն այս լուր ավանդություն է, և Լուսավորչի անունով մնացած վանական
կանոնները ուրիշ բան չեն, եթե ոչ Բարսեղ Կեսարացու վանական կանոններից
քաղվածք, որը արդարև 370—375 թ. հետո նվաճաթիոսի հաստատած վանքե-
րին ավելի որոշ կազմակերպություն տվեց... Վերջերս հայ վանքերը ընդունե-
ցին մեծն Բարսեղի կանոնները...»⁵⁵:

Վերոհիշյալ ԽԳ ճառում հանդիպում է հետևյալ հիշատակությունը. «Նա և
ամենայն ուղղափառ ժողովք եպիսկոպոսաց՝ որ զուղղափառ հաւատսն հաս-
տատեցին և կանոն սահմանեցին եկեղեցւոյ, և զայս սահմանեցին նդովիւք.
Նդւրայր ոք, ասէ, մի՛ իշխեսցէ ի վանացն ելանել կալ ուր և կամեսցի, առանց
կամաց առաջնորդին և եղբայրութեանն և որ ոք յանդգնեալ զայս առնէ, ընդ
նդովիւք կապեսցի ի հարցն: Զի ամենայն ոք յոր ինչ կոչեցան՝ ի նոյն կայցէ,
ասէ Առաքեալն Աստուծոյ»⁵⁶:

Ամեն ինչ և ամեն կանոն ճառում այնքան հանդամանորեն ու այնպիսի
մանրամասնությամբ է բացատրվում, որ ակնառու եղևում է վանքերի կառա-
վարման մշակված սխառմը՝ պաշտոնությունը, զործավորությունը, աշխա-
տանքային օրենքները. մի բան, որ կարող էին ունենալ իրոք արդեն լիարժեք
ձևավորում ստացած ու մեծ հաստատություններ, որ և կային՝ այդ տարի-
ներին:

Այսպիսով, որոշակի է դառնում, որ «Յաճախապատում» ճառերն հիմնա-
կանում արտացոլում են IV—V դարերի եկեղեցական, հասարակական, քու-
ղաքական դեպքերը, չեն անում ավելի ուշ շրջանի վերաբերող հիշատակում-
ներ, նույնիսկ 451 թ. Քաղկեդոնի ժողովի մասին ակնարկներ. դեռևս կենդա-
նի է Հայոց վերջին Արշակունի թագավորը և դեռևս պայքար կա ընդդեմ հե-
թանոսության⁵⁷, ուրեմն՝ ճառերի հեղինակն ապրել և գործել է IV դարի կե-
սերից մինչև V դարի երկրորդ կեսն ընկած ժամանակահատվածում:

Այս ճառերը հեղինակին բնութագրում են ոչ որպես սոսկ քրիստոնեության
քարոզիչ, այլ եկեղեցական-քաղաքական գործիչ, որի բուն նպատակն է եղել
պայքարել ընդդեմ այլադավանության՝ չարափառության ու զանազան հերձ-

54 Ա. Չամչյան, Հայոց եկեղեցու պատմություն, էջ 90:

55 Նույն տեղում, էջ 62—63:

56 «Յաճախապատում», էջ 256:

57 Տե՛ս «Յաճախապատում», էջ 31, 238: Պ. Նեթիսի, Հայկական աշխատություններ, էջ 72—73, 17. Արևիկյան, Հայոց հին գրականության պատմություն, գիրք առաջին, էջ 122:

վածների, ընդդեմ այն ամենի, որ կարող էր սպառնալ հայ եկեղեցու և հայության աղդային միասնությանը. սա քաղաքական պայքար էր՝ հաստատելու և ամրացնելու հայ ժողովրդի գոյության պահպանման իր ժամանակ եղած հուսալի հենարանը:

Այժմ տեսնենք, թե յարո՞ղ է այդ հեղինակը լինել Մեսրոպ Մաշտոցի:

* * *

Հայտնի է, որ հոգևոր ծառայության անցնելուց հետո Մաշտոցի առաջին լուսաստիճանը գործն է լինում շրջել Հայաստանի դավառները քրիստոնեություն տարածելու, հավատացյալների ու ղեռնա անհավատների մեջ «կյանքի խոսքը» սերմանելու նրա այս գործունեության հիմնական զրդապատճառն է լինում Հայրենի երկրի և իր ժողովրդի վտանգավոր վիճակի ծանր դիտակցությունը, նրա փրկությանն անձնուրացորեն ծառայելու անհաղթահարելի մղումը:

Բաժանված երկու հզոր պետությունների՝ Բյուզանդիայի և Պարսկաստանի միջև, Հայաստանն այլևս ի վիճակի չէր գոյության ֆիզիկական պայքար մղելու: Մնում էր արթնացնել ու բարձրացնել ժողովրդի դիտակցությունը, ինքնաճանաչման հասցնել, որպես աղգային կերպարը, ինքնությունը, ի վերջո և գոյությունը պահպանելու հուսալի միջոց: Քրիստոնեության տարածումը աղգային վստահություն էր ներշնչում: Սակայն դրա հետ ղեռնա կապված էին մեծ դժվարություններ, Հայաստանի երկու հատվածներում՝ Արևելյանում և Արևմտյանում, երկու տարբեր եկեղեցական լեզուների՝ ասորերենի և հունարենի գոյության պատճառով: Պետք էր ունենալ մեկ սեփական, աղգային եկեղեցական լեզու: Եվ ահա ծնունդ առավ մի նոր, պայծառ միտք՝ հայ նշանագրերի գյուտը և հայ գրի ու գրականության ստեղծումը, որը հնարավորություն կընձևեց ոչ միայն կտրվել պարսից, այլև բյուզանդական աղղեցությունից:

Մեսրոպ Մաշտոցի քարոզչական՝ քաղաքական ու եկեղեցական գործունեությունը հաջողությամբ պսակվեց իր իսկ ձեռքով այդ միտքն ի կատար սփռելուց հետո միայն, երբ հնարավորություն ստացավ քրիստոնեություն տարածել ո՞չ միայն շրջադայելով ու քարոզելով, այլև ուսուցանելով և գրավոր լղվեր ու ճառեր առաքելով. «...որպեսզի ոչ միայն ինքն մարթասցի անաշխատ ուսուցանել և լուսավորել զժողովուրդն, այլև նոքին իսկ ժողովուրդք կարասցեն ընթեռնուլ և իմանալ»⁵⁸: Գրերի գյուտից հետո միայն, երբ բացվել էր զիտության ու խմսատության հասնելու ճանապարհը, նա կարողացավ հոգալ ամբողջ Հայոց աշխարհի բանկշության մասին, բուրբ մարդկանց «քրիստոսաբեր փրկությունը» հասցնելու մասին:

Եվ սկսվում է մեծ հայրենասերի բուռն ու անձնուրաց նվիրագործության շրջանը: Առաջին հայերեն բառերով նա հայ ժողովրդին պատվիրում է «ճանաչել զիմաստություն և ղխրատ, իմանալ զբանս հանճարոյ»⁵⁹: Եվ ապա, գիտենալով, որ առավել հուսալի ճանապարհը գրավոր խոսքն է, և ըստ Սաղմոսի այն բառերի, թե «Տէր պատմեսցէ զբովք ժողովրդոց»⁶⁰, չի գոհանում միայն «Բազմոց շնորհալիր մատենաս զհարցն եկեղեցւոյ»⁶⁰ ձեռք բերելով, իր վարդա-

58 Մ. Չամչյան, Պատմություն Հայոց, Վենետիկ, 1784, էջ 489:

59 Սաղմոս 22, 6: Տե՛ս Մ. Արևելյան, Վարդ Մաշտոցի, Երևան, 1941, էջ 56 և 111 (ծնթ. № 85):

60 Վարդ Մաշտոցի, էջ 68:

պետությունը խորացնելով, իր քարոզներով, նույնիսկ թարգմանություններով, ուսուցանելով, և հատուկ թղթեր ու ձառեր է հորինում բոլորին լիացնելու «Տիրոջ սուրբ ավետարանով»⁶¹ և ամենքին զգուշացնելու, որ կյանքի ճանապարհով ընթանան:

Նրա գրավոր խոսքի մասին հետևյալ տեղեկություններն է հաղորդում վարքագիրը, նույն իր՝ Մաշտոցի աշակերտ Կորյուն Վարդապետը. «Ապա յետ այնորիկ դարձեալ այնպիսի առաւել և բարձրագոյն վարդապետութեամբն՝ սկսեալ երանելոյն Մաշտոցի ճառս յաճախագոյնս, դիւրապատումս, շնորհագիրս, բազմադիմիս ի լուսաւորութենէ և ի հիւթոյ գրոց մարգարէականաց կարգել և յօրինել, լի ամենայն ճաշակօք աւետարանական հաւատոցն ճշմարտութեան: Յորս բազում նմանութիւնս և օրինակս ի յանցաւորացս աստի, առաւելագոյն վասն յարութենական յուսոյն առ ի հանդերձեալսն, յերիւրեալ կազմեալ, զի հեշտընկալք և դիւրահասոյցք տխմարագունիցն և մարմնական իրօք զբաղելոցն լինիցին, առ ի սթափել և զարթուցանել և հաստահիմն առ ի խոստացեալ աւետիսն քաջալերել»⁶²:

Այս ձառերի գրության ժամանակը ճիշտ և ճիշտ համընկնում է «Յաճախապատումի» համար սահմանված միջոցին: Ժամանակագրական հաջորդականութեամբ շարադրելով իր ուսուցչի առաքելաշնորհ գործը, Կորյունը հասնում է մինչև 431 թ. դեպքերը և ավելի ուշ, երբ Սահակ կաթողիկոսի և Մեսրոպ Մաշտոցի մի խումբ աշակերտներ, որոնց թվում և ինքը Կորյունը, վերադառնում են Հունաց կողմերից, Նիկիական ու Նիսեսոսական ժողովների կանոններով և «առաջի դնէին հարցն զբերեալ կտակարանսն եկեղեցւոյ սրբոյ»⁶³:

Այնուհետև, թարգմանություններից բացի, թե՛ Սահակը և թե՛ Մաշտոցը, որ ու գիշեր զրազվում են ընթերցանությամբ «և նովիմք ծաղկեալք և շահաւետեալք՝ օրինակ բարեաց ուսումնասէր առնթրեալայից լինէին»⁶⁴:

Սրանից հետո միայն, գրում է Կորյունը, այսինքն 431 թ. ինչ որ միջոց անցած, երբ Մաշտոցն արդեն շատ ու բարձրագոյն ուսում ուներ, սկսեց կարգել և հորինել հաճախագոյն և դյուրապատում ձառեր⁶⁵. այսինքն, հենց այն թվականներին, երբ, ինչպես տեսանք, հրապարակ եկավ «Յաճախապատումը»:

Բնական է, որ այդ տարիներին գրած իր ձառերում Մաշտոցն անդրադարձած յինքն թե՛ իրեն և թե՛ իր ժամանակն այնչափ հուզող Նիկիայի ու Նիսեսոսի ժողովներին ու նրանց սահմանած կանոններին՝ ուղղափառության, աղանդների կամ հերձվածների մասին: Այդ երևում է և «Յաճախագոյն» ձառերի Կորյունի վերը բերած որակումից, ինչպես և Մաշտոցի հետագա գործունեության հետևյալ բնութագրումից:

«Յայնմ ժամանակի բերեալ երեւցան ի Հայաստան աշխարհին գիրք սուտապատումք, ընդունայնախօս աւանդութիւնք առն ուրումն հոռոմի, որում Թէոդորոս անուն: Վասն որոյ սինհոդոսական հայրապետացն եկեղեցեացն սրբոց նշանակեալ՝ ազգ առնէին ճշմարտահաւատ փառաւորչացն Սահակայ և Մաշտոցի: Եւ նոցա ճշմարտասէր փութով զայն ի միջոյ բարձեալ՝ աշխարհահալած արտաքոյ իւրեանց սահմանացն մերժեցին, զի մի ի լուսաւոր վարդա-

61 նույն տեղում, էջ 64:

62 նույն տեղում, էջ 78:

63 նույն տեղում, էջ 76:

64 նույն տեղում, էջ 76:

65 նույն տեղում, էջ 78:

պետությունն ծուխ ինչ սատանայական յարիցէ»⁶⁶։ Եվ ապա Մեսրոպ Մաշտոցի մասին.

«Եւ զգայգ ի զցերեկ պահօք ի աղօթիւք ի ուժգին խնդրուածովք ի բարձրագոյն բարբառովք զաստուածադիր պատուիրանացն հրամանս յուշ առնելով՝ զգուշացուցանէր ամենայն մարդոյ...

Եւ մինչդեռ այնպէս մերձաւորացն առ իւրն զհոգևոր եռանդն ածէր, ի բազում թուղթս խրատագիրս ի զգուշացուցիչս ընդ ամենայն գաւառս առաքէր...»⁶⁷։

Կորյունը Մաշտոցի մասին հաղորդում է նաև, թե նա Հունաց կայսրից պատվեր ստացավ «վասն ժանտագործ ազգին բարբարիանոսաց»⁶⁸ և հայրենիք դառնալով ձեռնարկեց «զղժպատեհ ի զկամակոր բարբարիանոս աղանդն քննելոյ»⁶⁹։

Ենթադրվում է, թե այդ աղանդը նույնն է, ինչ որ մծղենությունը և կամ այն, որ ընդհանուր եկեղեցու պատմության մեջ մեսսալյաններ են կոչվում։ Ըստ աղբյուրների սրանք մերժել են եկեղեցում աղոթելը, պահքը և այլ խորհուրդներ⁷⁰, հրաժարվել են ճգնությունից, անխտիր հաղորդակցություն պահանջել տղամարդկանց ու կանանց մեջ⁷¹, կենցաղավարել ով ինչպես կամենա, այնպես որ պատմողները գարշելի են համարել անգամ այդ մասին խոսելը⁷²։

Ըստ Կորյունի Մաշտոցը ապաշխարության և դանազան պատիժների է ենթարկել այդ աղանդի հետևորդներին և երբ ոչինչ չի օգնել, դուրս է քշել երկրից⁷³։

Հայտնի է նաև, որ Մեսրոպ Մաշտոցն իր շրջագայության ընթացքում բազմաթիվ վանքեր է հիմնել Հայաստանի տարբեր վայրերում։ Ամենայն հավանականությամբ նաև օրենքներ է դրել-թողել այդ վանքերի կառավարման ու միաբանների կենցաղավարության մասին, հենվելով Բարսեղ Կեսարացու և հետագա տիեզերական ժողովներում սահմանված վանական, եկեղեցական կանոնների վրա։

«Յաճախապատում» ճառերի թե՛ գրության ժամանակը և թե՛ նյութը հարադատորեն համընկնում են այն բնութագրումներին, որ գտնում ենք շարադաս Մեսրոպ Մաշտոցի մասին՝ Կորյունի աշխատության մեջ։

Մեսրոպ Մաշտոցի կյանքի ու ողջ գործունեության բուն նպատակը, սկը-

66 Նույն տեղում, էջ 86։

67 Նույն տեղում, էջ 90—92։

68 Նույն տեղում, էջ 66։

69 Նույն տեղում, էջ 68։

70 Ե. Տ եր-Մ ի ն ա ս յ ա ն, Ընդհանուր եկեղեցական պատմություն, հատ. առաջին, էջ 232։

71 Կ. Տ եր-Մ կ ր տ չ յ ա ն, Հայոց եկեղեցվո պատմություն, էջ 132—134։

72 Մ ի ա բ ա ն (Գ. Տ եր-Մ կ ր տ չ յ ա ն), Գիրք հերձվածոց, Վաղարշապատ, 1892, էջ 19։

Այդ աղանդն է ակնարկում նաև Ղազար Փարպեցին, գրելով Ձմր և զանուն անգամ աղանդոյն... կարի յոյժ համարիմ աղտեղի՝ նշանակել գրով։ ...Ի հաւատոյ և յուսմանէ՝ ողկտք երեկն, և ի գործս ծոյք և անծոյժք... և անկարգ րստ վարուց...»։ Տե՛ս Մ. Ա բ ե դ յ ա ն, Հայոց հին գրականության պատմություն, գիրք առաջին, էջ 626։

73 «Եւ իբրև ոչինչ գտանել հնարս յուղղութիւն ածելոյ, առեալ ի գործ արկանել զթշուռացոյցի զաւագանն, ծանրագոյն պատուհասիր ի բանգս, ի սանջանս, ի գելարանս։ Իսկ յորժամ այնոս ևս պակասեալք ի փրկութենէն գտանէին, խորտակեալս, ապա խանձալս, մրեալս և գունակ գունակ խայտառակեալս, և յաշխարհն կորզլինս։ Տե՛ս, Վարք Մաշտոցի, էջ 68։

սած քարոզչական աշխատանքից, գրերի գյուտից, վարդապետությունից ու թարգմանչությունից, մինչև ճառերի ու թղթերի հորինումը, այն քաղաքական պայքարն էր, որի անխոնջ մարտիկն է եղել «Հաճախապատումի» հեղինակը:

Անշուշտ անհավանական չէ ենթադրել, որ ճառերում կարող են լինել և հետագա մասնակի նորամուծություններ, սակայն իրենց հիմնական մասով նրանք պատկանում են IV—V դարերում ապրած այնպիսի մի գործչի, մտածողի ու հեղինակության, որ կարող էր լինել գրեթե միայն Մեսրոպ Մաշտոցը:

* * *

Մ. Աբեղյանը գտնում է, որ «Յաճախապատում» ճառերը լուսավորչին են վերագրվել «այդ գրվածքին ավելի մեծ հեղինակություն ընծայելու համար»⁷⁴:

Այս կարծիքն ավելի հիմնավոր է դառնում նրանով, որ լուսավորչին են համարվել ոչ միայն Մաշտոցի գործերը, այլև Սահակ Պարթևի կանոնները⁷⁵: Թվում է, թե դրան օգնել է և այն հանգամանքը, որ ճառերում խոսվում է հեթանոսության մասին ևս:

Անշուշտ «Յաճախապատումի» հեղինակն, ի թիվս այլ աղբյուրների, օգտորվել է նաև Գրիգոր լուսավորչի վարդապետությունից, որը նույնպես կարող է տեղի տված լինել սխալանքի:

Մաշտոցի «Յաճախագոյն» ճառերի մասին Մ. Չամչյանն իր խոսքերով այսպես է գրում. «Կարգեաց և յօրինեաց բազմապատիկ ճառս գեղեցիկս և ընտիրս, առաջի ղնելով զյոյով առակս և նմանութիւն առ ի դիւրընկալ ընծայելոց տգիտաց»⁷⁶:

Մի կողմ թողնելով այն հանգամանքը, որ «Յաճախապատում» ճառերն իրոք գրված են բազմաթիվ պատկերներով ու համեմատություններով, միտքը պարզելու, դուրսբերելի դարձնելու նպատակով⁷⁷, նկատենք նաև որ ըստ էության նույն իմաստն են խտացնում Չամչյանի գործածած «Բազմապատիկը», «Յաճախապատումն» ու Կորյունի «Յաճախագոյնը» — տեսակ տեսակ, պատվական, շատ անգամ, ճոխ ու երկայն:

Որևէ հիշատակություն այն մասին, թե լուսավորչը գրել է «Յաճախապատում» ճառեր, հին աղբյուրներում չենք հանդիպում⁷⁸: Որպես վկայաթուղթ մնում է «Ագաթանգեղոսը», որը գրում է «ճառս յաճախագոյնս» և ոչ «յաճախապատումս», սա ևս, ամենայն հավանականությամբ, պատճառ է դարձել ճառերի այդ ժողովածուն վերագրելու Գրիգոր լուսավորչին: Եթե հենվելու լինենք դրա վրա, պետք է ասենք՝ լուսավորչին են պատկանում ոչ թե «Յաճախապատում», այլ յաճախագոյն» ճառերը: Սակայն այժմ, երբ վաղուց ի վեր ապացուցված է Ագաթանգեղոսի ոչ միայն «Յաճախագոյն» ճառերի, այլև շատ ուրիշ հատվածների, ուղղակի, երբեմն նույնիսկ անհարկի քաղված լինելը Կորյունից, բնական է դառնում այդ ճառերի հեղինակ համարել Մեսրոպ Մաշտոցին:

74 Մ. Աբեղյան, Հայոց հին գրականության պատմություն, զիրք առաջին, էջ 119—120:

75 Տե՛ս նույն տեղում, էջ 117:

76 Մ. Չամչյան, Պատմություն հայոց, էջ 524:

77 Տե՛ս «Յաճախապատում», էջ 54, 183, 209 և այլն:

78 «Յաճախապատումի» երրորդ հրատարակության համար հիմք է հանդիսացել ամենահին ձեռագրական տվյալը, որ համարվում է 929 թվականի գրչություն. սակայն, ըստ էության, օգտագործվել է նրա 1673 թ. ընդօրինակությունը (տե՛ս «Յաճախապատում», էջ Ժն):